

dutor dil dazio di la gabela dil sal di Zara, per anni 4, principiò 1510, atento le depredation di turchi e danni ha auti quel territorio, e perchè el se ritrova sali che li fo dati mozi 625, però sia preso che 'l dito sal tolto per li rectori di Zara a conto di la Signoria nostra a raxon di ducati 10 el mier, che monta ducati 67  $\frac{1}{2}$ , e dil resto che 'l resta debitor ducati 202  $\frac{1}{2}$ , pagi a raxon di ducati 5 a l'anno dando piezaria. Ave 155, 4, 3. *Iterum* balotata, 163, 7, 4 e fu presa.

Fu posto, per li Consieri e sier Zacaria Valareso Cao di XL, in luogo di Consier, atento le letere di sier Antonio Foscarini provedidor di Salò di 28 Zugno hora lecte, che li sia dà facultà di proclamar et meter in bando di questa città, terre e lochi, Bortolamio Braccio da Gussolengo e compagni, qual ha occiso, rapido di preda, intrà per forza in caxa, e stuprà femene, e su le strade publice sassinà etc. con taia chi l'amazerà habi lire 500 e chi 'l darà morto lire 300, lui e cadaun di loro, et li soi beni siano confiscadi etc. Ave 133, 6, 0.

Fu posto, per sier Marco Minio e sier Nicolò Venier Consieri, e li Cai di XL, essendo venuti a la presentia di la Signoria nostra li noncii di la comunità di Este, con molti zentilhomeni hanno a far de li, dolendosi de le inondation di le aque seguite per  
92 causa di la fossa Lovara con grandissimo danno loro, per tanto sia preso di elezer per scurtinio tre zentilhomeni nostri, quali debano andar de li con ingegneri a veder li danni etc., e con le loro opinion poi vegni a questo Consejo, *ut in parte*: 141, 13.

Fu posto, per li Consieri, Cai di XL e tutti Savii excepto il Griti, atento li tempi contrari la ultima galla di Alexandria non ha potuto partir avanti eri, per tanto è bon che le marchadantie vadino a tempo di muda, zoè possino esser condute in questa città nostra; per tanto sia preso che, non obstante la parte che non vol si possi meter di prolongar muda in Colegio, possi venir con le sue opinion in questa materia. Fu presa 138, 46.

Fu posto, per li Savii tutti, excepto sier Andrea Griti procurator savio dil Consejo: *cum sit* che la muda de Alexandria sia per 15 Octubrio se intendi per tutto Octubrio, e sier Andrea Griti fe' lezer la parte presa dil 1481 3 Fevver che non vol si possi prolongar muda etc. nè altro messe a l'incontro. Andò la parte: 147, 29, fu presa.

Fu posto, per li Consieri, Cai di XL e loro Savii, poi leta una suplication; che atento dil 1506 a di 26 Fevver fusse preso dar provision atento li meriti di quelli da Nona, *videlset* Nicolò Cristoforo Bernar-

din et Paulo di Priticii fradeli, capi di stratioti, tre de i quali è morti virilmente a servizi nostri, Nicolò ne la guera di Pisa, Cristoforo a presso Nadin nel territorio di Zara, e Bernardin nel territorio di Sibinico, et Paulo essendo assedià Nona da Turchi intrò in quella, per il che li fo concesso ducati ... di provision per paga, et poi ne l'anno predito, a la mojer qual fu del qu. Bernardin, graveda, ducati 15 in loco di 20 havea il padre, la qual aver dovesse Paulo fino nasesse maschio, qual poi lui l'avesse; el qual Paulo morite per andar a far stratioti, e il putò ha anni 13, e so' barba episcopo di Liesna ha richiesto, però li sia dà provision a la camera di Ruigo ducati 8 per paga a page 8 a l'anno fin 1525, che arà anni 18; habi poi ducati 15. *Item*, una caxa bruxada in Zara zà anni 60 di raxon di la Signoria nostra in la contrà di San Domenego, la qual li fo venduta per li rectori e provedador di Zara a Paulo e Bernardin preditti per ducati 400 a conto di le so' bolete, però ditla vendeda li sia confermata. *Item*, possi far condur a Zara li vini di le so' intrade di Nona, con la condition hanno li heriedi dil qu. Chersi di Fumali di soi di Liesna e di la Braza; e senza . . . . di rectori. Avè 177, 14.

Fu posto, per li diti, *ut supra*, che al conte Andrea di Lodron, ha sempre servito in sta guera, li sia dà provision ducati 8 per paga a page 8 a l'anno a la camera di Ruigo. Ave 131, 25, 2.

Fu posto, per li Savii sora la merchadantia, tutti  
92 cinque: *cum sit* che 'l datio dil ferro sia defraudato, perchè dil fero grezo vien di canal de Vilacho e altri lochi si soleva afitar ducati 6000 e al presente non si trova ducati 2000 e si scuode per conto di la Signoria nostra, però sia preso, sicome dil 1477 fu preso: che tutti quelli condurano feri *ut supra* vadino *directive* a Porto Gruer a la doana, salvo quello si consuma in la Patria, qual però non si possi vender senza licentia dil Locotenente *in scriptis*, sotto pena *ut in parte*, con altre clausole. *Item*, perchè si observa una corutela che feri non compidi che par manegi di caldiere fenseno gratachasse etc., qual non essendo compide, non si pol portar in questa terra e vano al dazio de la intrada, perchè li pagano 11 per cento come le feramente compide, però sia preso che tutti dicti ferri andar debano a la Ternaria vecchia e pagar debi qual paga i feri grezi justa il consueto, non intendando però quelli va a le fiere, i qual paga la mità dil dazio justa la parte presa a di 20 Zugno, e sia spazati per l'oficio di l'Intrade; ma li gomieri siano spazati per la Ternaria justa il solito; e quelli per transito pagi la mità dil dazio, e